

**ISEBE LEMICIMBI YOKUSINGQONGILEYO NOCWANGCISO
LOPHUHLISO
UMTHETHO WOKULONDOLOZWA KWENDALO YESIZWE: UMTHETHO
WEENDAWO ZOLONDOLOZO EZIKHUSELWEYO, 2003
(UMTHETHO 57 KA-2003)
ISAZISO SENJONGO YOKUBHENGEZA INDAWO YOLONDOLOZONDALO
IBLOUTORING**

UMphathiswa wePhondo wooRhulumente beNgingqi, iMicimbi yokuSingqongileyo noCwangciso loPhuhliso eNtshona Koloni (uMphathiswa wePhondo)—

(a) ngokwecandelo 33(1)(a) loMthetho wokuLondolozwa kweNdalo yeSizwe: Umthetho weeNdawo zoLondolozo eziKhuselweyo, 2003 (uMthetho 57 ka-2003) (uMthetho), unika isaziso senjongo yakhe—

(i) yokubhengeza, phantsi kwecandelo 23(1)(a)(i) loMthetho, le mimandla ilandelayo njengendawo yolondolozondalo (indawo ekujongwe ukuba yenziwe eyolondolozondalo):

(aa) IFama iGeen Bedrog enguNombolo 18, emi kuMasipala waseLangeberg, kwiCandelo laseMontagu, kwiPhondo leNtshona Koloni; kubungakanani: 1738, 8728 (IWaka elinamaKhulu aSixhenxe anamaShumi amaThathu aneSibhozo khoma iSibhozo iSixhenxe isiBini iSibhozo); ephantsi kweNombolo yeSiqinisdekiso soNikezelo loMhlaba enguT1922/1987;

(bb) IFama iElands Hoek enguNombolo 163, emi kuMasipala weSithili saseCape Winelands, kwiCandelo laseWorcester, kwiPhondo leNtshona Koloni; kubungakanani: 798, 0566 (AmaKhulu aSixhenxe anamaShumi aliThoba aneSibhozo khoma iQanda isiHlanu isiThandathu isiThandathu); ephantsi kweNombolo yeSiqinisekiso soNikezelo loMhlaba enguT1922/1987;

(cc) INxalenye 2 yeFama iLettas Kraal enguNombolo 162, emi kuMasipala weSithili saseCape Winelands, kwiCandelo laseWorcester, kwiPhondo leNtshona Koloni; kubungakanani: 2068, 2900 (AmaWaka amaBini anamaShumi amaThandathu aneSibhozo khoma isiBini iThoba iQanda iQanda); ephantsi kweNombolo yeSiqinisekiso soNikezelo loMhlaba enguT1922/1987;

- (dd) INxalenye 1 (uDonga loKhuselo lwaseBloutoring) lweFama iLettas Kraal, emi kuMasipala weSithili saseCape Winelands, kwiCandelo laseWorcester, kwiPhondo leNtshona Koloni; kubungakanani: 5, 6802 (IsiHlanu khoma isiThandathu iSibhozo iQanda isiBini); ephantsi kweNombolo yeSiqinisekiso soNikezelo loMhlaba enguT63494/1988, imida yawo iboniswe kwimephu kwiShedyuli; kunye
- (ii) nokunika, phantsi kwecandelo 23(1)(b) loMthetho, igama elithi “Indawo yoLondolozondalo iBloutoring” kwindawo ekujongwe ukuba yenziwe eyolondolozondalo;
- (b) wazisa ukuba indawo yolondolozondalo imi malunga ne30km kumzantsintshona weTouws River, eyeyona dolophu ikufutshane, ne40km kumntla weMontagu njengoko kuboniswe kwimephu kwiShedyuli;
- (c) wazisa ukuba iCapeNature ivavanye indawo ekujongwe ukuba yenziwe eyolondolozo ndalo, kwaye kuyabonakala kolu vavanyo ukuba le indawo ekujongwe ukuba yenziwe eyolondolozondalo iqulethe inani leempawu ezenza ukuba ikufanele ukubhengezwa njengendawo yolondolozo lwendalo;
- (d) wazisa ukuba inyathelo ekujongwe ukuba lenziwe ekubhekiswa kumhlathi (a)(i) liyahlangabezana neemfuno zecandelo 23(2)(b)(i) loMthetho, njengoko lijolise ekukhuseleni indawo ekujongwe ukuba yenziwe eyolondolozondalo, eneempawu zendalo ezibalulekileyo okanye iintlobontlobo zezityalo nezilwanyana eziphilayo;
- (e) wazisa ukuba imixholo yeShedyuli kunye neenkukacha zovavanyo ekubhekiselwe kulo kumhlathi (c) ingajongwa ku-<https://www.capenature.co.za/protected-areas-and-stewardship>;
- (f) wazisa ukuba uMphathiswa wePhondo akazi, okwangoku, ngawo nawaphi na amalungelo anokubakho okanye umdla woluntu lwasekuhlaleni, okanye abachaphazelekayo ngaphandle komnini wendawo ekujongwe ukuba yenziwe eyolondolozondalo, onokuchatshazelwa zizenzo ekujoliswe kuzo ekubhekiswa kuzo kumhlathi (a);
- (g) umema amalungu oluntu ukuba angenise kuMphathiswa wePhondo iziphakamiso ezibhaliweyo okanye izichaso ngokuphathelele kwisibhengezo esicetywayo esichazwe kumhlathi (a) zingekapheli iintsuku ezingama60 ukusuka kumhla wokupapashwa kwesi saziwo kwiGazethi yePhondo ngoku—
- (i) zithumela ngeposi iziphakamiso okanye izichaso ku:-

Gqr Ashley Desmond Naidoo
Igosa eliNtloko leSigqeba
Ingqale kuNks. Kaylin Reid
CapeNature
Private Bag X29
Gatesville 7766;

(ii) zisa ngesandla iziphakamiso okanye izichaso ku:-

Nks. Kaylin Reid
UMcebisi wezoMthetho
CapeNature
kwiKona yeSitalato iBosduif neVolstruis
Bridgetown
Athlone; okanye

(iii) zithumela ngeimeyili iziphakamiso okanye izichaso ku:-

kreid@capenature.co.za; kwaye

(h) umema abantu abanomdla okanye abachaphazelekayo ukuba, kwiimeko ezifanelekileyo, bathumele iziphakamiso okanye izichaso zomlomo kuMphathiswa wePhondo, okanye kumntu otyunjwe nguMphathiswa wePhondo, kwixesha elichazwe kumhlathi (g).

Iziphakamiso ezibhaliweyo okanye izichaso ezifunyenwe, okanye iziphakamiso zomlomo okanye izichaso ezifunyenwe, emva komhla wokuvala zinokungahoywa.

Imibuzo ingabhekiswa Nks. Kaylin Reid ku087 087 4102.

ISHEDYULI

IMEPHU

